

কন্ঠবদনা অগ্নি নিষ্ঠুর রূপসী,
শোণিত-পিপাসী !

ছটি বর্ষ তপস্যার ফলোপরি পুলকে উল্লসি'
যবে নৃত্য কর তুমি দশন বিকশি',
রোমাঞ্চিয়া শিহরিয়া কাঁপি উঠে ষত সুবানল,
নিরাশা-আশার যুদ্ধে সদা হয় হৃদয় বিকল ;
গেজেটে প্রকাশ করি' করুণার কাহিনী তোমার,
ক্ষিপ্ত কর কত চিন্ত, কর প্রাণে হতাশা-সঞ্চার
অতি গুরুভার।

উপাধির একচ্ছত্র হে রাণী স্বাধীনা
দয়ামায়াহীনা !

চাকুরী-নদীর তীরে তব তরী ভরশা আমার,
এই মাত্র জানিয়াছি সার।
স্বপ্নের অশ্রুধারে ধৌত তব তম্বুর তনিমা,
দরিদ্রের মুদ্রা-রক্তে আঁকা তব চরণ-শোণিমা ;
যুক্তবেণী, কুঙ্কলভো, যুক্ত-করে করি এ মিনতি
হৃদি-সরে ফুটে যেন অরবিন্দ-পদযুগ-জ্যোতি ;
দীন আমি অতি।

অর্দ্ধজীবন ভরি' মানস-রঞ্জিনী,
হে স্বপ্ন-সজিনী !

শ্রীমূপেন্দ্রকুমার বসু,
দ্বিতীয় বার্ষিক শ্রেণী, 'ঈ' বিভাগ।

